



Broj: 11-19/2-11-2-3573-II/24

Datum: 05.12.2024.godine

Na osnovu člana 43. i 45 stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 ,59/22 i 50/24), i prijedloga Komisije za provođenje otvorenih postupaka nabavke za 2024. godinu, v.d. direktora Federalne uprave policije, d o n o s i:

ODLUKU

o izboru najpovoljnijeg ponuđača u postupku Javne nabavke stolova za LOT 2

1. Prihvata se prijedlog Komisije za provođenje otvorenih postupaka nabavki u postupku Javne nabavke stolova za LOT 2, te se Ugovor dodjeljuje ponuđaču Inter-Com d.o.o. Zenica, prema Ponudi broj: 00178-11/24-b od 22.11.2024.godine, nakon provedene e-Aukcije po ukupnoj cijeni u iznosu od 6.993,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 11-19/2-11-2-3573 od 01.11.2024.godine.
4. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
5. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke kancelarijskog i laboratorijskog namještaja i metalnih kasa i ormara za LOT 2 - Stolovi, po Obavještenju o nabavci broj: 1412-1-1-349-3-168/24 od 04.11.2024.godine, objavljenom u "Službenom glasniku BiH" broj:76/24, dana 08.11.2024.godine.

Procijenjena vrijednost nabavke za LOT 2 – Stolovi iznosi 9.070,00 KM bez PDV-a.

Komisija za provođenje otvorenih postupaka javnih nabavki je dana 27.11.2024.godine, izvršila radnju Otvaranje ponuda o čemu je sačinjen Zapisnik sa otvaranja ponuda u koji su uneseni svi elementi predviđeni članom 63. stav 4. i 5., ZJN BiH.

U postupku pregleda i ocjene ponuda za LOT 2-Stolovi, Komisija je utvrdila da je za navedenu nabavku u propisanom roku pristiglo (6) šest ponuda i to Ponuda ponuđača Adže Classic export import d.o.o. Tešanj broj: 37/24 od 18.11.2024.godine sa ponuđenom ukupnom cijenom od 9.068,10 KM bez PDV-a,

Ponuda ponuđača R&S d.o.o. Sarajevo broj:3239/24 od 22.11.2024.godine sa ponuđenom ukupnom cijenom od 9.043,20 KM bez PDV-a, Ponuda ponuđača Inter-Com d.o.o. Zenica broj:00178-11/24-b od 22.11.2024.godine sa ponuđenom ukupnom cijenom od 9.065,00 KM bez PDV-a, Ponuda ponuđača Mira-Mar d.o.o. Foča broj:78/24 od 26.11.2024.godine sa ponuđenom ukupnom cijenom od 8.940,00 KM bez PDV-a, Ponuda ponuđača Larix d.o.o. Doboj broj:169/24 od 25.11.2024.godine sa ponuđenom ukupnom cijenom od 9.030,00 KM bez PDV-a i Ponuda ponuđača Lab Unica d.o.o. Sarajevo broj:24-0100-000678 od 26.11.2024.godine sa ponuđenom ukupnom cijenom od 8.951,89 KM bez PDV-a.

U postupku pregleda i ocjene ponude ponuđača Adže Classic export import d.o.o. Tešanj za LOT 2- Stolovi, Komisija je utvrdila da navedeni ponuđač svoju ponudu nije dostavio u skladu sa tačkom 27. Tenderske dokumentacije, odnosno u prijedlog ugovora nije unio/upisao sve potrebne elemente (u prijedlog ugovora unesen/upisan samo naziv ponuđača) bez da je u prijedlog ugovora unio/upisao ponuđenu cijenu, kao i druge podatke sadržane prijedlogom ugovora, iz kojeg razloga je ponuda navedenog ponuđača za LOT 2-Stolovi, u skladu sa članom 2. ZJN BiH ocijenjena kao nepravilna i kao takva za ugovorni organ neprihvatljiva, te je navedeni ponuđač isključen iz dalje kvalifikacije za navedeni LOT.

Komisija je utvrdila da su preostale ponude navedenih ponuđača za LOT 2 – Stolovi, formalno-pravno ispravne i ispunjavaju uslove tražene tenderskom dokumentacijom, te kao takve za ugovorni organ prihvatljive.

Budući da je za navedenu nabavku predviđeno provođenje e-Aukcije, Komisija se u odnosu na prihvatljive ponude pismeno obratila Sektoru za finansije i javne nabavke radi provođenja iste, te je zaprimljen Izvještaj o toku i završetku e- Aukcije broj:1412-1-1-349/24 od 05.12.2024. godine, iz kojeg proizilazi da je prema konačnoj rang listi ponuđača koji su učestvovali u e-Aukciji, ponuđač Inter-Com d.o.o. Zenica, za navedenu nabavku ponudio najnižu ukupnu cijenu u iznosu od 6.993,00 KM bez PDV-a.

Rukovodeći se kriterijem najniža ukupna cijena tehnički zadovoljavajuće ponude, Komisija je u skladu sa članom 70., Zakona o javnim nabavkama BiH za Javnu nabavku stolova za LOT 2, predložila da se donese Odluka o izboru najpovoljnijeg ponuđača i ugovor dodijeli ponuđaču Inter-Com d.o.o. Zenica,, prema Ponudi broj: 00178-11/24-b od 22.11.2024.godine, nakon provedene e-Aukcije po ukupnoj cijeni u iznosu od 6.993,00 KM bez PDV-a., što je konstatovano u Zapisniku o pregledu i ocjeni ponuda od 02. i 05.12.2024.godine.

Razmatrajući prijedlog Komisije, v.d. direktora Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**V.D. DIREKTOR
(Načelnik SKP-e)
GLAVNI INSPEKTOR**

Vahidin Munjić

Dostaviti:

- Sektor za finansije i javne nabavke
- ponuđačima
- u spis